



## Terenga 6: Hōtaka 22 - Ngā tūkapi tūhono tāngata

### He Mihi

Kei ngā wīwī me ngā raupō o ngā papakāinga o te motu, nau mai ki te whare o AKO, ki te tuku i te reo taketake o tēnei whenua kia rere ki ōna kōtīhitihi

### Hei Mahi Whakarongo

I puta i a Tākuta Rawinia Higgins me Tākuta Poia Rewi ngā hua o tā rāua rangahau mō te reo Māori i te tau kua hori. Anei te uiui a Eru i a Rawinia, i runga i te hōtaka o Mataora, hei mātaki mā tātou. Anei ngā pātai hei whakautu mā koutou:

- 1) He aha te ingoa o te pukapuka?
- 2) He aha ngā kaupapa matua e rua o te rangahau?
- 3) He aha tētehi hua i puta i te rangahau?


### He Whakamārama

E rua ngā whakatakotoranga hei tūhono i ngā tāngata i roto i te rerenga rirohanga. He rite tonu te tikanga o ngā tauira e rua nei:

- a) Ko tā māua mahi, ko taku tungāne.
- e) Ko tā māua ko taku tungāne mahi.

|                 |  |
|-----------------|--|
| ...rāua ko...   | e tūhono ana i tētehi tokorua (kaua te kaikōrero, kaua te kaiwhakarongo)           |
| ...māua ko...   | e tūhono ana i ahau me tētehi atu (kaua te kaiwhakarongo)                          |
| ...kōrua ko...  | e tūhono ana i a koe me tētehi atu (kaua te kaikōrero)                             |
| ...mātou ko...  | e tūhono ana i ahau me ētehi atu (kaua te kaiwhakarongo)                           |
| ...tātou ko...  | e tūhono ana i te kaikōrero, i te kaiwhakarongo me t/ētehi atu                     |
| ...rātou ko...  | e tūhono ana i tētehi tangata ki ētehi atu (kaua te kaikōrero me te kaiwhakarongo) |
| ...koutou ko... | e tūhono ana i a koe me ētehi atu (kaua te kaikōrero)                              |

### He Mahi Ī-papa



Honoa ngā tāngata ki te mea, e puta ai ngā rerenga rirohanga rerekē e rua.

---



---

### Hei Mahi

Tuhia he rerenga kōrero e puta ai ngā wāhanga katoa kei raro iho nei.

1. koe + tō tuakana / whakaaro
2. rāua + tō rāua whaea / whare
3. ia + tana tamāhine / pātai

### Whakautu:

**Mahi Īpapa:** *Ko tā rāua ko tana wahine pēpē tērā. Ko tā rāua pēpē, ko tana wahine, tērā.*

### Hei Mahi:

1. Kei te pēhea ō kōrua ko tō tuakana whakaaro?
2. Koinā te whare o rātou ko tō rāua whaea.
3. He pātai tā rāua ko tana tamāhine.